

# Genomic Imprinting


Edited by:            Abdalrhman Ziad Ayaseh  
                              Fathi Salam Melhem

Checked by:            Orabi Moeen

Medicine 119

# Genomic Imprinting

- Genomic imprinting : البصمة الجينية.
- إحدنا بنعرف أنه كل خلية في جسم الإنسان فيها 46 كروموسوم ,, هذول الـ 46 عبارة عن 22 زوج من الكروموسومات الجسدية ( autosomal chromosome ) و زوج واحد من الكروموسومات الجنسية ( XY أو XX ) ,, الكروموسومات الجسدية واللي عددن 44 يعني 22 من الأم و 22 من الأب ,, بما أنه في 22 من الأم و 22 من الأب لو في جين معين موجود مثلاً على كروموسوم رقم 11 بكون هاد الجين إله أليلين واحد على الكروموسوم 11 اللي من الأم و واحد على 11 اللي من الأب ,, طيب الأليلين حيصيرلهم expression؟؟ و اذا لا أي أليل فيهن اللي راح يصيرله expression؟؟ تبع الأم ولا الأب؟؟ هاد هو موضوعنا و هاد هو الـ Genomic imprinting.




- أغلب الجينات في الكروموسومات الجسدية يتم التعبير عنها بشكل متساوي (بين أليل الأم أو أليل الأب)
- في جينوم الإنسان في تقريبا 20 ألف جين ,, بس في مجموعة جينات تقريبا 100 جين بنسبيهن (**imprinted genes**) هـول الجينات الـ expression تبعهم ما بكون متساوي بين الأليلين يعني ما بظهر أثر الأليلين على الصفة المسؤول عنها هـاد الجين ,, بل بتم التعبير عن أليل واحد فقط بالاعتماد على الأصل الأبوي (parental origin) ”يعني إما أليل الأب أو أليل الأم اللي بصيرله expression بس.
- إذا صار expression لأليل الأم , أليل الأب رح يلتغى ( imprinted or silenced) ,, والعكس صحيح (Vice versa).
- طيب الـ imprinted genes بما إنه ما بصيرلهم expression يعني ما إلهم أهمية؟؟ امبلا مهمين خاصة في الـ embryonic period .. إلهم أهمية كبيرة في تكوّن الجنين وأي خلل او نقص فيهم ممكن يآدي لمشاكل أو حتى لإجهاض هـاد الجنين.
- طيب أي واحد من هـول الـ 100 جين ايش بده يعرفنا أنه بكون أليل الأم ولا أليل الأب اللي راح يصيرله expression ؟؟ لازم نحفظهن حفظ ,, بس طبعا مش راح نحفظ الـ 100 ,, بس المهمات .

- إذا كان الـ 46 كروموسوم في الجنين مأخوذات من أب واحد,, يعني مثلاً صار disjunction في جميع أزواج الكروموسومات تبعات البويضة أو الـ sperm وكان الجنين كل كروموسوماته من أب واحد,, هاد الجنين مش راح ينولد ولا يعيش اصلاً (incompatible with life).

- هاد الاشئ منطقي لأنه الـ imprintig genes لازم يكون اشئ منهم من الـ mother واشئ من الـ father واي خلل فيهن حكينا إنه بأدي لمشاكل واجهاض,, فما بالكم لو كان كل الكروموسومات من الأب أو من الأم بالتالي هدول الـ 100 جين رح يصيرلهن expression رح يكونوا كلهم من الأب أو من الأم (هاد تفسير حسب موضوعنا اما اكيد في تفسيرات ثانية إنه ما بعيش بس شو اسويلكم هاض اللي اجاكم).

# Human imprinting map



هاي الـ imprinting map,, في ملاحظات صغيرة عليها بالـسلايد اللي ورا هاد ☺

- أول اشي زي ما حكينا إنه imprinting genes بتكون على الكروموسومات الجسدية (autosomal chromosomes).
- بالنسبة للكروموسومات الجنسية:

□ الكروموسوم Y فش عليه imprinting genes ولن يكون في المستقبل ,, وهاد منطق لأنه الY بتتم وراثته من الأب ,, لأنه كروموسوم Y أصلاً مأخوذ من الأب ,, وعشان يكون في imprinting المفروض يكون مطابق للكروموسوم اللي معه عشان اقارن بينهم بس هو فعلياً الكروموسوم اللي معه هو X يعني ما بنفع نقارن بينهم.



□ الكروموسوم X ممكن يكون عليه (نظرياً مش مستحيل) بس لحد هسا ما اكتشفوا imprinting genes عليه ولكن في احتمال في المستقبل انهم يكتشفوا ,, والسبب أنه في ال-female يكون عندها XX ,والثنين متطابقات وهذا بعطي مجال أنه يتم إكتشاف imprinting genes .

# Mechanism of Imprinting



- هسا بدنا نحكي عن الميكانيزم تبعت الـ imprinting.
- أول إشي من صفات هاي العملية إنها epigenetic وحكينا قبل أيش يعني epigenetic .. وهو أنه نوقف عمل جين معين بدون ما نسوي فيه طفرة وبدون ما نغير تسلسل النيوكليوتيدات تبعه.
- وبرضو حكينا قبل إنها هاي العملية بتتم من خلال الـ methylation (زي ما عملنا في التشابتر اللي قبل هاد لما جينا نسوي X-inactivation) ,, بس الفرق بينهم من حيث الـ methylation إنه:
  - في الـ X-inactivation صار بعد 15 يوم من الـ fertilization.
  - أما هون في الـ imprinting فهو بحدث بشكل مبكر جداً يعني بحدث في أثناء تصنيع الـ Sperms والـ eggs (during gametogenesis).
- يعني بنستنتج أنه الـ egg والـ sperm بمجرد ما تكوّنوا بكونوا خلص جاهزين من حيث الـ imprinting. يعني كل كروموسوم صار جاهز وعامل imprinting genes .





## Normal Imprint



## Loss of Methylation: Hypomethylation



## Gain of methylation: Hypermethylation



في السلايدتين اللي ورا هاي الشرح ☺

- قبل ما نبش نشرح الشكل .. بس نوضحكم الشغل اللي فيه..

✚ **المربعات الخضراء** : M يعني هاد الكروموسوم من الأم ,, P يعني هاد الكروموسوم من الأب.

✚ **Igf2** : (insulin-like growth factor) : جين مهم في عملية النمو وتكوين الجنين.

✚ **H19** : هذا الجين لتشفير non-coding RNA يعني مسؤول عن تصنيع أحد أنواع الـ RNA (بس مش mRNA) لأنه الـ mRNA هو الـ coding RNA.

✚ **DMR** : إختصار لـ (Differentially methylated region) وهاي المنطقة هي عبارة عن تسلسل من النيوكليوتيدات اللي ما بتشفّر جين معين لكنها واقعة بين الجينين اللي ذكرناهن هسا ومحتمل يصير فيها methylation وبناء عليه بتتحدد كمية الجينين اللي حوالها (بالرسم في نقاط اذا لونهن اسود يعني methylated واذا لونهن ابيض يعني non-methylated). وبعد هالسلادة منشراح كيف.

✚ **الصور اللي عاليمين اللي شبه السيسو** : بس بعبروا عن كمية الجين في الثلاث حالات بالأولى متساوية بالثانية الـ H19 هو اللي طغى وبالثالثة الـ Igf2 اللي طغى.

- بهاد الـ Figure ضاربنا مثال من خلال الهرموني اللي ذكرناهن
- ما علينا ,, المهم بحكيك هدول الجينين موجودات على الـ P-arm للكروموسوم رقم 11 (يعني عالجزيء العلوي من الكروموسوم رقم 11) وبحكيك إنهن قراب على بعض وبحد بعض موجودات. هسا بالـ figure معطينا ثلاث حالات خرينا نحكي عنهن وحدة وحدة.

- **أول حالة:** حاططنا بالرسمه جين H19 وجين Igf2 وفي بينهم تسلسل DNA ,, سميناه (DMR) هسا هاد التسلسل اللي بينهم محتمل يصير عليه methylation لاحظوا إنه لما يكون methylated يكون الـ Igf2 هو اللي expressed أما الـ H19 فبكون non-expressed وهاد الإشي صار عند كروموسوم الأب. فبالتالي عند كروموسوم الأم كانت منطقة الـ DMR ما فيها methylation بالتالي عند الأم صار expression للـ H19 أما الـ Igf2 فهو non-expressed. وبالتالي صار في توازن بين كمية هدول الجينين. يعني الجسم اختار يعبر عن H19 من الأم واختار انو يعبر عن igf2 من الاب
- **طبعاً هاي الحالة هي الحالة الطبيعية (Normal imprint).**

■ **بالحالة الثانية:** لاحظوا منطقة الـ (DMR) ما صار فيها methylation لا في الكروموسوم اللي من الأم ولا الكروموسوم اللي من الأب, بالتالي ما صار expression لجين الـ Igf2 لا في أليل الأب ولا الأم أما جين الـ H19 صار له expression في الجهتين. بالتالي صار إنتاج كمية زائدة من الـ H19 بشكل مضاعف أما هرمون Igf2 فلم يتم إنتاجه إطلاقاً.

- هاي حالة غير طبيعية وبنسُميها (loss of methylation or Hypomethylation).

■ **الحالة الثالثة:** لاحظوا منطقة الـ (DMR) صار فيها methylation في كلا الكروموسمين اللي من الأم واللي من الأب ,, بالتالي صار expression لجين الـ Igf2 في الكروموسومين أما جين H19 ما صار له expression بالجهتين بالتالي تم إنتاج كمية مضاعفة من هرمون Igf2 أما هرمون H19 فلم يتم إنتاجه إطلاقاً.

- هاي حالة غير طبيعية وبنسُميها (Gain of methylation or Hypermethylation).

- هسا خلصنا موضوع الـ imprinting وعرفنا إنه الـ imprinting شبيه بفكرة الـ X-inactivation بس اللي بختلف هون إنه ما بنثبط كروموسوم X كامل من الأب وبنخلي كروموسوم X كامل من الأم أو العكس, اللي بفرق هون أنه في عنا 100 جين لصفات مختلفة وهدول الـ 100 جين الموجودين على الكروموسومات الجسدية ,, وبصير imprinting لكل جين إما تبع الام او الاب بالتالي اللي صارله imprinting عند كروموسوم الأم بصيرله expression ع كروموسوم الأب والعكس صحيح.
- كمان فرق انه في الـ x-inactivation بكون الإشي عشوائي وفي احتمال تتثبط X اللي من الام او اللي من الأب .. لكن في الـ imprinting الامور مش عشوائية يعني الجين معروف وين راح يصيرله imprinting يعني في جينات بصيرلها imprintig على كروموسوم الاب ,, وفي على كروموسوم الام. والامور مش عشوائية.
- وكمان فرق اللي هو الموعد (ارجع لاسلايد 8).
- هسا بدنا نؤخذ مرضين الهن علاقة في موضوع الـ imprinting genes.

## Prader-Willi syndrome and Angel Man syndrome

- بدنا نحكي عن هذول المتلازمتين ,, أول إشي هني عبارة عن أول imprinted disorders تم إكتشافهن.
- هذول المرضين مرات بحكولهن counter disorders أو cousin disorders والسبب إنهن تقريباً عكس بعضهن.
- المرضين نادرات ,, وممكن يصيبوا male أو female.
- بدنا نحكي عنهن واحد واحد 😊

# Prader-Willi Syndrome

- بصيب شخص واحد من بين كل 10-20 ألف شخص (يعني نادر).
- ملاحظة المرض بكون نادر اذا كانت نسبته أقل من 1 لكل 4000 شخص
- ومن أعراضه :
  - @ ضعف في العضلات (hypotonia).
  - @ شراهة وكثرة في الأكل ("overeating" hyperphagia) وسمنة (obesity).
  - @ underdeveloped genital organs : الأعضاء الجنسية عندهم غير متطورة.
  - @ puberty is delayed or incomplete : النضوج عندهم بتأخر أو حتى ما يكتمل.
  - @ most patients are infertile : أغلب المصابين بالمرض بكونوا عقيمين.
  - @ Mental retardation : تخلف عقلي.
  - @ يكون عندهم بعض مظاهر الخلل (Dysmorphic features) مثل :
    - ✓ narrow forehead : جبين ضيق.
    - ✓ almond-shaped eyes : عيون لوزية الشكل.
    - ✓ Microstomia : صغر في حجم الفم.
    - ✓ short stature : قصر القامة.
    - ✓ small hands and feet : صغر اليدين والقدمين.

# Angel-Man syndrome

- اللي أعطى المرض هاد الإسم هو إنه المصابين فيه دائماً مبسوطين وبريئين ومكرشين من الضحك (مش تصدقوا اللي أعطاه الاسم العالم اللي اكتشفه إسمه willi angelman).
- بصيب شخص واحد من بين كل 10-20 ألف شخص (يعني نادر برضو). ومن أعراضه :
  - ⓐ seizures (epilepsy): نوبات من الصرع
  - ⓐ Spastic muscles : العضلات متشنجة.
  - ⓐ Mental retardation : خلل عقلي.
  - ⓐ بعض مظاهر الخلل (Dysmorphic features) مثل:
    - ✓ Microcephaly : صغر في حجم الرأس.
    - ✓ Macrostomia : كبر في حجم الفم.
    - ✓ Maxillary hypoplasia : عدم إكتمال في نمو عظم الفك العلوي.
  - ⓐ Puberty is usually unaffected : النضوج بتم بشكل طبيعي.
  - ⓐ patients are fertile : المصابين بالمرض عندهم القدرة ع الانجاب.





Prader-Willi Syndrome




Angel-Man syndrome


# Genetic mechanism

- خلّصنا الأعراض تبعات هدول المرضين هسا بدنا نحكي عن الـ genetic mechanism إلهم, هسا الـ genetic mechanism طلعت متشابهة إلهم الثنين والمشكلة عندهم بتكون بنفس الكروموسوم واللي هو كروموسوم رقم 15.
- واللي استغربوا منه العلماء إنه 70% من الحالات المصابة بها المرضين سببهن **حذف** عدد من الجينات الموجودة على **نسخة واحدة** من زوج الكروموسومات رقم 15 ( **heterozygous deletion**) لكن,,
- وجد العلماء إنه :
  - ❑ في حالة Angel-Man syndrome كان الـ deletion على نسخة الكروموسوم اللي من الأم (maternal origin).
  - ❑ في حالة Prader-Willi Syndrome كان الـ deletion على نسخة الكروموسوم اللي من الأب (paternal origin).
- هاد الـ deletion حجمه (1.5-3 Mega Base) في الحالتين.


- طبيب ليش نفس حجم الحذف ونفس المنطقة من الكروموسوم 15 تختلف الأمراض؟؟ السبب إنه في هاي المنطقة الجينات اللي فيها expression من كروموسوم الأم بتختلف عن الجينات اللي بصيرلها expression على كروموسومات الأب,, وهذا تطبيق على ال-genomic imprinting اللي حكيناها ببداية الموضوع هاد (زي اللي بسلايد 9). وهاي الصورة بتوضح الإشي:



Normal




Angelman



Prader-Willi

# Uniparental disomy


- Uniparental disomy أو إختصارها UPD وهي الحالة اللي بورت فيها نسختين من كروموسوم معين من أحد الآباء ,, مثلاً كروموسوم رقم 11 المفروض عندي منه نسختين وحدة ورثتها من الأب ووحدة من الأم ,, في هاي الحالة بكون النسختين جايات من الأب أو النسختين جايات من الأم.
- في حالة أخذت النسختين من الأب بنسميها Paternal UPD أما في حالة أخذت النسختين من الأم بنسميها maternal UPD .




- هسا هاي الـ UPD سببها زي ما بنعرف هو الـ non-disjunction .. هسا في حالتين بنتجن عنا :

□ **Heterodisomy** : سببها أنه صار non-disjunction في الـ meiosis راح تكون الـ gametes الناتجة تحتوي على نسختين من الكروموسوم بدل واحدة,, وهذول النسختين بكونوا متناظرتين بس مش نفس بعض (homologous not identical).

□ **Isodisomy** : سببها أنه صار non-disjunction صار في الـ meiosis II راح تكون الـ gametes الناتجة تحتوي على نسختين من الكروموسوم بدل وحدة,, وهذول النسختين بكونوا متطابقات (identical) إلا في حال حدوث عبور (crossing over).






- بالصورة هاي أول اشي عاليسار الكروموسومين رقم 15 بحالتهم الطبيعية
- اللي بحددها حكيينا إنه 70% من الحالات سببها زي ما قلنا الـ deletion وهون الـ deletion صار ع كروموسوم الأم بالتالي نتجت حالة angel man syndrome.
- اللي بحددها صارت UPD بالتالي هذا الطفل ورث النسختين من 15 من أبوه فقط,, وظهرت عليه أعراض الـ angel-man syndrome.
- اللي بحددها صار mutation على الجينات اللي بهاي المنطقة (mutation not deletion) بالتالي ظهرت أعراض هاد المرض.
- اللي بحددها السبب كان imprinting defect,, يعني صح إنه فش deletion, بس كأنه صار خلل في الـ methylation بين جينين معينات بالتالي صار expression لجين على حساب الآخر يعني بس عدلت عالجين صار جين الأم كانوا نفس جين الأب . عشان تفهموا هاي النقطة ارجعوا للرسمه بسلاميد 9 مع شرحها. ☺



## Prader-Willi syndrome : Genetic mechanisms



<http://www.genetics4medics.com/prader-willi-syndrome.html>

- هاي الصورة نفس اللي قبلها بس معكوسة يعني هناك Angel-man syndrom بس هون بحكي عن Prader-Willi Syndrome. يعني نفس شرح اللي قبلها بس انعكست هون كرموسوم الأب مع الأم. بس في فرق صغير إنه في حالة Angel-man كان في سبب زيادة واللي هو السبب الثالث (single mutation) في جين اسمه UPE3A أما هون ما لقيوا العلماء جين معين بتأدي الطفرة تبعته لمرض prader willi .

- **سؤال:** طيب ليش بحالة الـ angel-man لما كان في UPD كانت النسبة قليلة جداً (7-3%) وبحالة الـ pader-will كانت نسبة أكبر (30%)؟

- **الجواب:** زي ما أخذنا بتشابتر 2 فترة الـ I meiosis عند الاناث طويلة جداً وبالتالي نسبة حدوث الـ non-disjunction عند الاناث رح تكون أكبر وعشان هيك شفناها 30% أما الرجل فترة الـ I meiosis عندو طبيعية فنسبة حدوث الـ non-disjunction رح تكون اقل بكثير وعشان هيك شفناها 7-3%.